

Na osnovu člana 21. stav (1) tačka 11), člana 22. tačka 11), člana 61., člana 62. i člana 83. stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 10., člana 11. i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15) i člana 32. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), Regulatorna komisija za energiju u Federaciji BiH - FERK je na XVI redovnoj sjednici održanoj 31.10.2019. godine donijela

ODLUKU

o izmjenama i dopunama Opštih uslova za isporuku električne energije

Član 1.

- (1) U Opštim uslovima za isporuku električne energije („Službene novine Federacije BiH“ broj 89/14 i 7/18), u članu 5. stav (1) tačka p) mijenja se i glasi:
„p) obezbijediti jednak i nediskriminirajući tretman svih snabdjevača,“.
- (2) U stavu (1) tačka v) mijenja se i glasi:
„v) biti investitor i vlasnik priključaka za objekte krajnjih kupaca na niskom i srednjem naponu kada su ispunjeni uslovi iz elektroenergetske saglasnosti, izraditi i obezbijediti dokumentaciju, ostvariti tehničke uslove u distributivnoj mreži, izgraditi priključak, u rokovima propisanim ovim Opštim uslovima, opremiti mjerno mjesto za koje je izdata elektroenergetska saglasnost, provesti potrebna ispitivanja, izvršiti priključenje, osim priključaka u posebnoj zoni koji se priključuju na osnovu ugovora o njihovim međusobnim odnosima,“.
- (3) U stavu (2) tačka f) iza riječi: „broju krajnjih kupaca“ dodaju se riječi: „koji su izabrali korištenje distributivne mreže plaćati prema jedinstvenom računu dostavljenom od snabdjevača na način propisan ovim Opštim uslovima“.

Član 2.

- (1) U članu 6. stav (1) tačka e) briše se.
- (2) U stavu (1) dosadašnje tačke f), g) h), i), j), k), l) m), n), o), p), q), r), s), t), u), v), w), x), y), z), aa) i bb) postaju tačke e), f), g) h), i), j), k), l) m), n), o), p), q), r), s), t), u), v), w), x), y), z) i aa).
- (3) U stavu (1) u dosadašnjoj tački f), koja postaje tačka e), iza riječi: „kupaca“ dodaju se riječi: „koji su izabrali korištenje distributivne mreže plaćati prema jedinstvenom računu dostavljenom od snabdjevača na način propisan ovim Opštim uslovima“.

- (4) U stavu (1) u dosadašnjoj tački g), koja postaje tačka f), riječi: „te regulišu korištenje distributivne mreže za krajnje kupce koje snabdijeva u sistemu univerzalne usluge,“ brišu se.
- (5) U stavu (1) u dosadašnjoj tački h), koja postaje tačka g), riječi: „te regulišu korištenje mreže za krajnje kupce, ukoliko je primjenjivo,“ brišu se.
- (6) U stavu (1) u dosadašnjoj tački l), koja postaje tačka k), riječi: „, uključujući i posebnu stavku iznosa naknade za podsticanje obnovljivih izvora energije“ zamjenjuju se riječima: „i propisanih naknada“.
- (7) U stavu (1) u dosadašnjoj tački m), koja postaje tačka l), riječi: „korištenje distributivne mreže regulisano ugovorom o snabdijevanju električnom energijom“ zamjenjuju se riječima: „krajnji kupac izabrao korištenje distributivne mreže plaćati prema jedinstvenom računu dostavljenom od snabdjevača na način propisan ovim Opštim uslovima“.
- (8) U stavu (1) u dosadašnjoj tački o), koja postaje tačka n), riječi: „korištenje distributivne mreže regulisano ugovorom o snabdijevanju električnom energijom“ zamjenjuju se riječima: „krajnji kupac izabrao korištenje distributivne mreže plaćati prema jedinstvenom računu dostavljenom od snabdjevača na način propisan ovim Opštim uslovima“.
- (9) U stavu (1) u dosadašnjoj tački y), koja postaje tačka x), riječi: „kao i blagovremeno obavještavati krajnjeg kupca po zahtjevu ODS-a,“ brišu se.
- (10) U stavu (1) tačka cc) briše se.
- (11) U stavu (1) dosadašnje tačke dd), ee), ff), gg), hh), ii), jj), kk), ll), mm), nn) i oo) postaju tačke bb), cc), dd), ee), ff), gg), hh), ii), jj), kk), ll) i mm).
- (12) U stavu (1) u dosadašnjoj tački ff), koja postaje tačka dd), riječi: „i besplatan telefon za prijavu kvara, ukoliko je korištenje distributivne mreže regulisano ugovorom o snabdijevanju električnom energijom u skladu sa ovim Opštim uslovima“ brišu se.
- (13) U stavu (2) tačka d) iza riječi: „računima,“ dodaju se riječi: „uključujući naplatu korištenja distributivne mreže ukoliko je krajnji kupac izabrao korištenje distributivne mreže plaćati prema jedinstvenom računu dostavljenom od snabdjevača na način propisan ovim Opštim uslovima,“.

Član 3.

- (1) U članu 7. stav (1) tačka c) mijenja se i glasi:
„c) na korištenje dijela ili ukupne odobrene priključne snage na drugoj lokaciji u okviru istog trafo područja TS 10(20)/0,4 kV, u skladu sa odredbama ovih Opštih uslova,“.
- (2) U stavu (1) tačka f) mijenja se i glasi:
„f) na izbor grupe potrošnje prilikom priključenja zavisno od opremljenosti mjernog sloga, te pravo na promjenu grupe jednom u toku kalendarske godine bez plaćanja naknade izuzev troškova obrade zahtjeva,“.
- (3) U stavu (1) tačka k) mijenja se i glasi:

- „k) zaključiti ugovore o snabdijevanju električnom energijom istovremeno sa više snabdjevača ukoliko postoji mogućnost utvrđivanja obračunskih veličina što potvrđuje ODS,“.
- (4) U stavu (1) tačka l) mijenja se i glasi:
„l) kod zaključivanja ugovora o korištenju distributivne mreže sa ODS-om izabrati način plaćanja korištenja distributivne mreže prema računu dostavljenom od ODS-a ili korištenje distributivne mreže plaćati prema jedinstvenom računu dostavljenom od snabdjevača sa jasnom strukturom troškova u skladu sa ovim Opštim uslovima,“.
- (5) U stavu (1) tačka r) mijenja se i glasi:
„r) zahtijevati od ODS-a privremeno isključenje sa distributivne mreže u skladu sa ovim Opštim uslovima,“.
- (6) U stavu (2) tačka a) riječi: „snage postojećih trošila“ zamjenjuju se riječima: „povećanja odnosno smanjenja priključne snage objekta ili u slučaju izgradnje proizvodnog objekta za vlastite potrebe“.
- (7) U stavu (2) tačka b) riječi: „ugovor o snabdijevanju električnom energijom i ugovor o korištenju distributivne mreže, odnosno ugovorom o snabdijevanju električnom energijom regulišu korištenje distributivne mreže u skladu sa zakonom i ovim Opštim uslovima“ zamjenjuju se riječima: „ugovor o korištenju distributivne mreže i ugovor o snabdijevanju električnom energijom“.
- (8) U stavu (2) tačka j) riječi: „ODS odnosno“ brišu se.
- (9) U stavu (2) tačka k) riječi: „odnosno snabdjevača ukoliko je korištenje distributivne mreže regulisano ugovorom o snabdijevanju električnom energijom“ brišu se.

Član 4.

U članu 8. stav (2) tačka l) riječi: „, ugovor iz člana 38. ovih Opštih uslova i ugovor o snabdijevanju električnom energijom“ zamjenjuju se riječima: „i ugovor iz člana 38. ovih Opštih uslova“.

Član 5.

- (1) U članu 17. stav (6) mijenja se i glasi:
„(6) Ukoliko priključak ima više mjernih mjesta može se izdati jedna elektroenergetska saglasnost koja sadrži podatke o priključnoj snazi i druge potrebne podatke za svako pojedinačno mjerno mjesto ili se izdati pojedinačna elektroenergetska saglasnost za svako mjerno mjesto.“.
- (2) Stav (7) mijenja se i glasi:
„(7) Izuzetno od odredbi iz stava (1) ovog člana elektroenergetska saglasnost može se izdati i za objekat na kojem postoji pravni osnov podnosioca zahtjeva za priključenje.“.

Član 6.

Član 18. mijenja se i glasi:

„Član 18. (Elektroenergetska saglasnost)

- (1) Osim u slučaju iz člana 17. stav (5) ovih Opštih uslova, elektroenergetska saglasnost se treba pribaviti od ODS-a prije nego što pristupi:
 - a) povećanju ili smanjenju priključne snage,
 - b) zamjeni, premještanju ili rekonstrukciji postojećeg priključka ili mjernog mjesta,
 - c) objedinjavanju više mjernih mjesta u jedno mjerno mjesto,
 - d) dijeljenju jednog mjernog mjesta na veći broj mjernih mjesta na istom objektu,
 - e) promjeni namjene objekta i kategorije potrošnje električne energije,
 - f) izgradnji proizvodnog objekta za vlastite potrebe.
- (2) U slučaju iz člana 17. stav (6) ovih Opštih uslova, može se podnijeti zahtjev za prethodnu i za elektroenergetsku saglasnost sa pojedinačno navedenim mjernim mjestima ili se može podnijeti zahtjev za prethodnu i za elektroenergetsku saglasnost posebno za svako mjerno mjesto. Naknada za priključenje se plaća za svako obračunsko mjerno mjesto u objektu, pod uslovom da se ne radi o posebnoj zoni.
- (3) Za svako pojedinačno mjerno mjesto izuzev u slučaju iz člana 17. stav (6) ovih Opštih uslova izdaje se elektroenergetska saglasnost i zaključuje se ugovor o priključenju/povećanju/smanjenju priključne snage, ugovor o korištenju distributivne mreže i ugovor o snabdijevanju električnom energijom.
- (4) Izuzetno od stava (3) ovog člana, elektroenergetska saglasnost se izdaje investitoru posebne zone za kompletan objekat sa svim mjernim mjestima.
- (5) U slučaju da dođe do promjene namjene objekta ili dijela objekta za kojeg je izdata elektroenergetska saglasnost ili do povećanja/smanjenja odobrene priključne snage potrebno je zatražiti izdavanje nove elektroenergetske saglasnosti. U tom slučaju se kod izdavanja nove elektroenergetske saglasnosti za predmetni objekat ne plaća naknada za priključenje u visini naknade za priključenje za ranije odobrenu priključnu snagu, ali se mijenja kategorija potrošnje ukoliko je primjenjivo, dok za izdavanje nove elektroenergetske saglasnosti u slučaju smanjenja odobrene priključne snage podnosilac plaća samo troškove obrade zahtjeva.
- (6) U slučaju promjene vlasništva nad objektom za koji je izdata elektroenergetska saglasnost, novom vlasniku se izdaje rješenje dok izdata elektroenergetska saglasnost ostaje neizmijenjena, a podnosilac zahtjeva plaća samo troškove obrade zahtjeva.
- (7) U slučaju zakupa objekta ne izdaje se nova elektroenergetska saglasnost.
- (8) Za objekat na kojem je odobreno smanjenje priključne snage u slučaju iz stava (1) tačka a) ovog člana, može se u roku od pet godina od dana izdavanja elektroenergetske saglasnosti kojom je smanjena priključna snaga ostvariti pravo da se ista ponovo izmjeni i vrati prethodno angažovana priključna snaga bez plaćanja naknade za priključenje, osim troškova obrade zahtjeva i eventualnih troškova nastalih prilagodbom mjernog mjesta.

- (9) Pravo iz stava (8) ovog člana može se iskoristiti samo jedanput.
- (10) Istekom roka od pet godina gubi se pravo iz stava (8) ovog člana.
- (11) Izdata elektroenergetska saglasnost važi samo za priključak, mjerno mjesto i lokaciju definisanu u istoj, te odobrena priključna snaga iz iste nije prenosiva na drugu lokaciju.
- (12) Izuzetno u odnosu na stav (11) ovog člana krajnji kupac čiji objekat je priključen na niskonaponsku distributivnu mrežu ima pravo zahtjevati korištenje dijela ili ukupne odobrene priključne snage na drugoj lokaciji u okviru istog trafo područja TS 10(20)/0,4 kV, kada ne plaća naknadu za priključenje. U tom slučaju se izdaje nova elektroenergetska saglasnost.
- (13) U slučaju iz stava (12) ovog člana krajnji kupac plaća troškove za obradu zahtjeva, troškove izgradnje novog priključnog voda za objekat na novoj lokaciji i troškove izmještanja ili opremanja novog mjernog mjesta.“.

Član 7.

U članu 19. stav (3) iza riječi: „priključenja“ dodaje se riječ: „objekta“.

Član 8.

- (1) U članu 20. stav (3) tačka d) mijenja se i glasi:
„d) priključnu snagu i godišnju potrošnju električne energije,“.
- (2) U stavu (3) iza tačke d) dodaju se nove tačke e) i f) koje glase:
„e) priključnu snagu i predviđenu (projektovanu) godišnju proizvodnju električne energije ukoliko se radi o proizvodnom objektu,
f) tehničke karakteristike proizvodnog objekta za vlastite potrebe ukoliko je primjenjivo,“.
- (3) U stavu (3) dosadašnje tačke e) i f) postaju tačke g) i h).

Član 9.

U članu 21. stav (4) tačka a) i tačka b) mijenjaju se i glase:

- „a) projektnu dokumentaciju - dio glavnog ili izvedenog projekta koji se odnosi na objekat i instalacije objekta za koji se traži elektroenergetska saglasnost,
- b) izjavu kojom podnosilac zahtjeva, u slučaju da je priključna snaga objekta veća od 23 kW, ukoliko to želi, zahtjeva ugradnju limitatora,“.

Član 10.

U članu 22. u tački e) riječ: „potrebnu“ briše se.

Član 11.

U članu 23. stav (4) iza riječi: „karakteristike“ dodaje se riječ: „objekta“.

Član 12.

- (1) U članu 25. stav (1) tačka a) riječi: „podnosiocu zahtjeva i“ brišu se.
- (2) U stavu (1) tačka c) riječi: „priključnu snagu“ zamjenjuju se riječima: „priključna snaga“.
- (3) U stavu (1) tačka e) riječi: „i grupu“ brišu se.
- (4) U stavu (1) iza tačke i) dodaje se nova tačka j) koja glasi:
„j) tehničke karakteristike proizvodnog objekta za vlastite potrebe ukoliko je primjenjivo,“.
- (5) U stavu (1) dosadašnja tačka j) postaje tačka k).
- (6) U stavu (2) tačka a) riječi: „podnosiocu zahtjeva i“ brišu se.
- (7) U stavu (2) tačka c) iza riječi: „saglasnosti“ dodaju se riječi: „ukoliko je ista izdata“.
- (8) U stavu (2) tačka d) mijenja se i glasi:
„d) priključna snaga objekta,“.
- (9) U stavu (2) tačka f) riječi: „i grupu“ brišu se.
- (10) U stavu (2) tačka k) riječi: „ukoliko se korištenje distributivne mreže ne reguliše ugovorom o snabdijevanju električnom energijom u skladu sa ovim Opštim uslovima“ brišu se.
- (11) U stavu (2) iza tačke l) dodaje se nova tačka m) koja glasi:
„m) tehničke karakteristike proizvodnog objekta za vlastite potrebe ukoliko je primjenjivo,“.
- (12) U stavu (2) dosadašnja tačka m) postaje tačka n).

Član 13.

- (1) U članu 26. stav (1) tačka a) riječi: „podnosiocu zahtjeva i“ brišu se.
- (2) U stavu (1) tačka c) mijenja se i glasi:
„c) instalisanu snagu po proizvodnoj jedinici, ukupnu instalisanu snagu proizvodnog objekta i priključnu snagu proizvodnog objekta,“.
- (3) U stavu (2) tačka a) riječi: „podnosiocu zahtjeva i“ brišu se.
- (4) U stavu (2) tačka c) mijenja se i glasi:
„c) instalisana snaga po proizvodnoj jedinici, ukupna instalisana snaga proizvodnog objekta i priključna snaga proizvodnog objekta,“.

Član 14.

- (1) U članu 27. stav (3) riječi: „investitoru posebne zone“ brišu se.
- (2) Stav (8) mijenja se i glasi:
„(8) Na osnovu prethodne elektroenergetske saglasnosti, ugovora o uređenju međusobnih odnosa, ugovora o finansiranju i elektroenergetske saglasnosti za kompletan objekat ODS za svako mjerno mjesto u posebnoj zoni izdaje elektroenergetsku saglasnost.“.

Član 15.

U članu 28. stav (1) riječi: „krajnjeg kupca/proizvođača“ zamjenjuju se riječju: „objekat“.

Član 16.

Član 29. mijenja se i glasi:

„Član 29.

(Rok važenja prethodne elektroenergetske saglasnosti)

- (1) Prethodna elektroenergetska saglasnost izdaje se na period od jedne godine. Prethodna elektroenergetska saglasnost se može obnoviti za još jednu godinu.
- (2) Izdata prethodna elektroenergetska saglasnost prestaje važiti ukoliko u roku od jedne godine od njenog izdavanja nije zatražena njena obnova ili nije zatražena elektroenergetska saglasnost.
- (3) Izuzetno od stavova (1) i (2) ovog člana, prethodna elektroenergetska saglasnost za objekte u posebnoj zoni izdaje se na period od dvije godine. Prethodna elektroenergetska saglasnost za objekte posebne zone može se obnoviti za još dvije godine.
- (4) Izdata prethodna elektroenergetska saglasnost za posebnu zonu prestaje važiti ukoliko u roku od dvije godine od njenog izdavanja nije zatražena njena obnova ili nije zaključen ugovor o uređenju međusobnih odnosa.“.

Član 17.

- (1) U članu 30. stav (2) riječi: „povremenom ili“ brišu se.
- (2) U stavu (3) riječi: „krajnjim kupcima“ brišu se.
- (3) U stavu (4) riječi: „imalac elektroenergetske saglasnosti“ zamjenjuju se riječima: „se po istoj“.
- (4) Stav (7) mijenja se i glasi:
„(7) Elektroenergetska saglasnost prestaje važiti prestankom ugovora o korištenju distributivne mreže osim u slučaju promjene snabdjevača i u slučaju zakupa, te u periodu trajanja privremenog isključenja sa distributivne mreže.“.

Član 18.

U članu 33. stav (3) tačka d) iza riječi: „odnosa“ dodaju se riječi: „i ugovora o finansiranju“.

Član 19.

- (1) U članu 34. stav (1) riječi: „snabdjevačem ili direktno sa“ brišu se.
- (2) Stav (2) i stav (3) brišu se.
- (3) Dosadašnji stav (4) postaje stav (2).
- (4) U dosadašnjem stavu (4), koji postaje stav (2), tačka e) riječi: „instalisanjoj/priključnoj snazi“ zamjenjuju se riječima: „priključnoj snazi, grupi potrošnje“.
- (5) U dosadašnjem stavu (4), koji postaje stav (2), iza tačke u) dodaje se nova tačka v) koja glasi:
„v) izbor načina plaćanja korištenja distributivne mrežarine prema računu dostavljenom od ODS-a ili korištenje distributivne mreže plaćati prema jedinstvenom računu dostavljenom od snabdjevača sa jasnom strukturom svih troškova,“.
- (6) U dosadašnjem stavu (4), koji postaje stav (2), dosadašnje tačke v), w), x), y), z), aa), bb), cc), dd), ee), ff), gg), hh), ii), jj), kk), ll) i mm) postaju tačke w), x), y), z), aa), bb), cc), dd), ee), ff), gg), hh), ii), jj), kk), ll), mm) i nn).
- (7) Stav (5) briše se.

Član 20.

- (1) U članu 35. stav (2) riječi: „i odnosne odredbe vezane za korištenje distributivne mreže ukoliko je regulisanje distributivne mreže predmet ovog ugovora, kao“ brišu se.
- (2) U stavu (2) tačka c) riječi: „ukoliko korištenje distributivne mreže nije predmet ovog ugovora,“ brišu se.
- (3) U stavu (2) tačka d) riječi: „instalisanu/priključnu“ zamjenjuju se riječju: „priključnu“.
- (4) U stavu (2) tačka h) riječi: „potvrđuju operator sistema i balansno odgovorna strana“ zamjenjuju se riječima: „potvrđuje ODS“.
- (5) U stavu (2) tačka j) briše se.
- (6) U stavu (2) dosadašnje tačke k), l) m), n), o), p), q), r), s), t) i u) postaju tačke j), k), l), m), n), o), p), q), r), s) i t).
- (7) U stavu (2) u dosadašnjoj tački m), koja postaje tačka l), riječi: „, uključujući i posebnu stavku iznosa naknade za obnovljive izvore energije“ zamjenjuju se riječima: „i propisanih naknada“.
- (8) U stavu (2) tačka v) briše se.
- (9) U stavu (2) dosadašnja tačka w) postaje tačka u).
- (10) U stavu (2) tačka x) briše se.
- (11) U stavu (2) dosadašnje tačke y), z), aa), bb), cc), dd), ee) i ff) postaju tačke v), w), x), y), z), aa), bb) i cc).
- (12) U stavu (2) tačka gg) briše se.
- (13) U stavu (2) dosadašnje tačke hh), ii), jj) i kk) postaju tačke dd), ee), ff) i gg).

Član 21.

- (1) U članu 38. stav (2) iza tačke c) dodaje se nova tačka d) koja glasi:
„d) odredbe vezane za očitavanje mjernih uređaja i dostavljanje podataka radi obračuna i fakturisanja.“
- (2) U članu 38. stav (2) dosadašnje tačke d), e), f), g), h) i i) postaju tačke e), f), g), h), i) i j).
- (3) U članu 38. iza stava (2) dodaje se novi stav (3) koji glasi:
„(3) Ugovor iz stava (1) ovog člana između ODS-a i snabdjevača, u slučaju kada je krajnji kupac izabrao plaćanje korištenja distributivne mreže prema jedinstvenom računu dostavljenom od snabdjevača, sadrži i odredbe vezane za:
a) primjenu tarifnih stavova za korisnike distributivnog sistema u skladu sa podacima primljenim od ODS-a, uz odvojeno iskazivanje na računima,
b) isplatu ODS-u fakturisanih iznosa za korištenje distributivne mreže u ugovorenom roku,
c) dostavu bankovne garancije ODS-u, osim javnog i rezervnog snabdjevača, zasnovane na tromjesečnoj količini električne energije i snage koja se distribuiše i broju krajnjih kupaca,
d) omogućavanje snabdjevaču korištenja podataka krajnjeg kupca uz obezbjeđenje zaštite povjerljivih informacija u skladu sa zakonom uz pribavljanje prethodne saglasnosti krajnjeg kupca radi razmjene podataka, osim ako za takvu saglasnost ne postoji pravni osnov,
e) omogućavanje ODS-u razmjene informacija o krajnjim kupcima uz obezbjeđenje zaštite povjerljivih podataka u skladu sa zakonom, pri čemu je potrebno pribaviti prethodnu saglasnost krajnjeg kupca radi razmjene podataka, osim ako za takvu saglasnost ne postoji pravni osnov,
f) obustavljanje isporuke električne energije od strane ODS-a objektu krajnjeg kupca na zahtjev snabdjevača u slučajevima i na način propisan Zakonom i ovim Opštim uslovima.“
- (4) U članu 38. dosadašnji stav (3) postaje stav (4).

Član 22.

U članu 40. dodaje se nova rečenica, koja glasi: „Za mjerna mjesta zajedničke potrošnje nije potrebno zaključivati dodatni ugovor o korištenju distributivne mreže/ugovor o snabdijevanju električnom energijom.“

Član 23.

Član 42. mijenja se i glasi:

**„Član 42.
(Zakup objekta)**

- (1) U slučaju zakupa objekta zakupodavac može raskinuti ugovor o korištenju distributivne mreže i ugovor o snabdijevanju električnom energijom, u kojem slučaju zakupoprimac na osnovu zaključenog ugovora o zakupu sa zakupodavcem, zaključuje ugovor o korištenju distributivne mreže i ugovor o snabdijevanju na period trajanja zakupa.
- (2) Elektroenergetska saglasnost i ugovor o priključenju/povećanju/smanjenju priključne snage i dalje glase na zakupodavca.“.

Član 24.

U članu 48. stav (1) mijenja se i glasi:

„(1) Nadležni ODS je investitor i vlasnik svih novih priključaka na niskom i srednjem naponu, isključujući posebnu zonu i obavezan je da izgradi priključak potreban za priključenje objekta krajnjeg kupca/proizvođača, ukoliko su ispunjeni uslovi iz elektroenergetske saglasnosti, uslovi iz ugovora o priključenju/povećanju/smanjenju priključne snage i uplaćen iznos naknade za priključenje. Izuzetak su glavni razvodni ormari, razvodni ormari, mjerni ormari po etažama i usponski vodovi koji su sastavni dio građevine, a preko kojih se povezuje predmetno mjerno mjesto.“.

Član 25.

U članu 50. stav (1) tačka b) riječi: „ukoliko korištenje distributivne mreže nije regulisano ugovorom o snabdijevanju električnom energijom,“ brišu se.

Član 26.

Član 52. mijenja se i glasi:

**„Član 52.
(Privremeni priključak)**

- (1) Privremeni priključak ne izvodi se kao trajni priključak izuzev gradilišnog priključka koji se može izvesti i kao trajni priključak.
- (2) Priključak iz stava (1) ovog člana može trajati najduže šest mjeseci, izuzev gradilišnog priključka koji može trajati najduže do dobijanja upotrebne dozvole objekta.
- (3) Gradilišni priključak koji je izveden kao trajni može nakon dobijanja upotrebne dozvole objekta prerasti u stalni priključak.“.

Član 27.

Član 53. mijenja se i glasi:

„Član 53.

(Privremeno priključenje bespravno izgrađenih objekata)

- (1) Nije dozvoljeno priključenje na distributivnu mrežu objekata izgrađenih bez građevinske dozvole.
- (2) Izuzetno od stava (1) ovog člana, ODS može izvršiti privremeno priključenje bespravno izgrađenih objekata na distributivnu mrežu, uz Uvjerenje izdato od strane organa uprave nadležnog za izdavanje građevinske dozvole o činjenicama o kojima organ vodi službenu evidenciju ili nakon provedenog postupka o činjenicama o kojima organ ne vodi službenu evidenciju o tome:
 - 1) da li je izgrađeni objekat na području gdje nisu doneseni planski dokumenti;
 - 2) da li je izgrađeni objekat u postupku legalizacije.
- (3) Privremeno priključenje iz stava (2) ovog člana se vrši po istovjetnoj proceduri koja se provodi za stalni priključak, do ispunjenja uslova za stalni priključak, u roku od 12 mjeseci.
- (4) Rok iz stava (3) ovog člana može se produžiti za dodatnih 12 mjeseci.”.

Član 28.

U članu 54. stav (3) riječi: „, ugovora iz člana 38. ovih Opštih uslova i ugovora o snabdijevanju električnom energijom kojim se uređuje snabdijevanje električnom energijom za vrijeme privremenog priključenja“ zamjenjuju se riječima: „i ugovora iz člana 38. ovih Opštih uslova“.

Član 29.

- (1) U članu 60. stav (1) riječi: „krajnjim kupcima kojima“ zamjenjuju se riječima: „na obračunskom mjernom mjestu objekata za koji“.
- (2) U stavu (2) riječi: „Postojećim krajnjim kupcima sa odobrenom priključnom snagom većom od 23 kW, koji nemaju“ zamjenjuju se riječima: „Za mjerno mjesto objekta sa već odobrenom priključnom snagom većom od 23 kW, koji nema“.
- (3) U stavu (3) riječi: „Krajnjim kupcima sa odobrenom priključnom snagom manjom ili jednakom 23 kW kod kojih“ zamjenjuju se riječima: „Na mjernom mjestu objekta sa odobrenom priključnom snagom manjom ili jednakom 23 kW kod kojeg“.

Član 30.

U članu 61. stav (1) riječi: „krajnjih kupaca“ brišu se.

Član 31.

U članu 62. stav (3) riječi: „odnosno snabdjevač“ brišu se.

Član 32.

- (1) U članu 63. stav (3) riječi: „Krajnji kupac, proizvođač odnosno snabdjevač“ zamjenjuju se riječima: „Krajnji kupac/proizvođač“.
- (2) U stavu (5) riječi: „proizvođača odnosno snabdjevača,“ brišu se.
- (3) Iza stava (5) dodaje se novi stav (6) koji glasi:
„(6) Kada ODS sam ili po prijavi krajnjeg kupca osim u slučaju neovlaštene potrošnje, utvrdi da mjerni uređaj nije registrovao potrošnju, obračun neregistrovane potrošnje izvršit će se na osnovu očitanih vrijednosti istog perioda prethodne godine ili očitanih vrijednosti prethodnog mjeseca za krajnje kupce koji su priključeni u tekućoj godini. Period za koji se utvrđuje neregistrovana potrošnja ne može biti duži od tri mjeseca.“.
- (4) Dosadašnji stavovi (6) i (7) postaju stavovi (7) i (8).
- (5) U dosadašnjem stavu (6), koji postaje stav (7), riječi: „ali najduže u zakonskom roku zastare“ zamjenjuju se riječima: „najduže u roku od tri mjeseca“.
- (6) U dosadašnjem stavu (7), koji postaje stav (8), riječi: „odnosno snabdjevača“ brišu se.

Član 33.

- (1) U članu 64. stav (1) riječi: „odnosno snabdjevača“ brišu se.
- (2) U stavu (3) riječi: „odnosno snabdjevača“ brišu se.
- (3) U stavu (4) riječi: „odnosno snabdjevača“ brišu se.

Član 34.

- (1) U članu 66. stav (3) riječi: „i u ugovoru o snabdjevanju električnom energijom zaključenim u skladu sa ovim Opštim uslovima“ brišu se.
- (2) U stavu (6) riječi: „ugovorom o korištenju distributivne mreže iz člana 34. stav (4) i stav (5) odnosno“ brišu se.

Član 35.

- (1) U članu 67. stav (2) briše se.
- (2) Dosadašnji stavovi (3), (4), (5) i (6) postaju stavovi (2), (3), (4) i (5).
- (3) Dosadašnji stav (3), koji postaje stav (2), mijenja se i glasi:
„(2) U slučaju da je krajnji kupac izabrao plaćanje korištenja distributivne mreže prema jedinstvenom računu dostavljenom od snabdjevača račun snabdjevača iz stava (1) ovog člana će sadržavati i cijenu korištenja distributivne mreže i ista će na računu biti iskazana odvojeno. U suprotnom ODS će krajnjem kupcu dostavljati poseban račun za korištenje distributivne mreže.“.
- (4) U dosadašnjem stavu (4), koji postaje stav (3), iza riječi: „ugovorom“ dodaju se riječi: „o korištenju distributivne mreže i ugovorom“.

Član 36.

U članu 71. stav (3) mijenja se i glasi:

„(3) Ako krajnji kupac ni nakon isteka roka iz upozorenja snabdjevača/ODS-a iz stava (2) ovog člana nije platio dospjelu novčanu obavezu ODS će u skladu sa odredbama ovih Opštih uslova samostalno ili po zahtjevu snabdjevača obustaviti isporuku električne energije na obračunskom mjernom mjestu zbog neplaćene dospjele novčane obaveze po ugovoru o korištenju distributivne mreže odnosno po ugovoru o snabdjevanju električnom energijom.“

Član 37.

U članu 73. stav (2) riječi: „ODS/snabdjevač“ zamjenjuju se riječju: „ODS“.

Član 38.

- (1) U članu 74. stav (6) riječi: „, odnosno snabdjevač u skladu sa dostavljenim obračunom ODS-a ukoliko je korištenje distributivne mreže regulisano ugovorom o snabdjevanju električnom energijom“ brišu se.
- (2) U stavu (7) riječi: „,i internet stranici snabdjevača, kao i u svim ovlaštenim kancelarijama ODS-a za odnose sa korisnicima distributivnog sistema i u svim ovlaštenim kancelarijama snabdjevača za odnose sa krajnjim kupcima električne energije“ zamjenjuju se riječima: „,i u svim ovlaštenim kancelarijama ODS-a za odnose sa korisnicima distributivnog sistema“.

Član 39.

- (1) U članu 78. stav (1) riječi: „ODS samostalno ili po nalogu snabdjevača može izvršiti obustavljanje isporuke električne energije krajnjem kupcu“ zamjenjuju se riječima: „Isporuka električne energije krajnjem kupcu može biti obustavljena“.
- (2) Stav (2) mijenja se i glasi:
„(2) U slučajevima iz stava (1) ovog člana tačka d), tačka e), tačka f), tačka h), tačka i), tačka j) i tačka k) ODS, a snabdjevač u slučaju iz tačke g) navedenog stava, obavezan je prethodno u pisanoj formi sa dokazom o urednoj dostavi istog, upozoriti krajnjeg kupca na nedostatke odnosno nepravilnosti zbog kojih mu se može obustaviti isporuka električne energije i odrediti rok ne duži od osam dana za otklanjanje tih nepravilnosti i nedostataka. Ako krajnji kupac ne izvršava obavezu plaćanja distributivne mrežarine, a istu plaća prema jedinstvenom računu dostavljenom od snabdjevača, u slučaju iz stava (1) tačka g) postupa snabdjevač, a u suprotnom ODS.“

Član 40.

U članu 79. stav (1) riječi: „, odnosno snabdjevač po zahtjevu ODS-a u slučaju da je korištenje distributivne mreže regulisano ugovorom o snabdijevanju električnom energijom,“ brišu se.

Član 41.

U članu 88. stav (3) mijenja se i glasi:

„(3) Krajnji kupac prigovor podnosi snabdjevaču odnosno ODS-u ukoliko se prigovor odnosi na korištenje distributivne mreže. Prigovor se može podnijeti i telefonski o čemu snabdjevač odnosno ODS sastavlja pisani dokumenat i o istim vodi urednu evidenciju.“.

Član 42.

- (1) U članu 91. stav (5) riječi: „čije se napajanje obavlja“ zamjenjuju se riječima: „čiji se objekti napajaju“.
- (2) U stavu (6) iza riječi: „parametri“ dodaje se riječ: „objekta“.

Član 43.

U članu 95. stav (1) iza riječi: „priključenje“ dodaje se riječ: „objekta“.

Član 44.

U Prilogu 1. Metodologija za utvrđivanje količina i cijene za obračun električne energije po osnovu neovlaštene potrošnje u članu 8. stav (3) rečenica: „Ukoliko je krajnji kupac korištenje distributivne mreže regulisao ugovorom o snabdijevanju električnom energijom, obračun neovlaštenog korištenja električne energije vrši ODS, a fakturisanje i naplatu vrši snabdjevač i sredstva proslijeđuje ODS-u u skladu sa ugovorom o korištenju distributivne mreže odnosno ugovorom o međusobnim odnosima.“ briše se.

Član 45.

Ova odluka stupa na snagu osmog dana od dana objave u „Službenim novinama Federacije BiH“.

Broj: 06-01-228-30/19
Mostar, 31.10.2019. godine

PREDSJEDNIK FERK-a
Mile Srdanović